

通志卷八十五

鄭

鄭和勲

宋 右廸功郎 鄭樵 漁仲撰

宗室傳第八

北齊

趙郡王琛

子獻 子整信

清河王岳

子勣

廣平公盛

子子瑗

陽州公永樂

繼子孝緒

襄樂王顯國

上洛王

思宗

子元海 宗弟思好

平秦王歸彥

武興王普

長

樂太守靈山

子懿 護

伏護孫

神武諸子

永安簡平王浚

平陽靖翼王淹

子德

彭城景思王

浹

子寶德

上黨剛肅王渙

子寶嚴

襄城景王清

子繼亮

任

城王潛

高陽康穆王湜

博陵文簡王濟

華

山王凝

馮翊王潤

漢陽敬懷王洽

文襄諸子

河南康獻王孝瑜

子弘節

廣寧王孝珩

河間王孝

琬

子正禮

蘭陵武王長恭

安德王延宗

漁陽王

紹信

文宣諸子

太原王紹德

范陽王紹義

西河王紹仁隴

西王紹廉

孝昭諸子

樂陵王百年

汝南王彥理

弟彥德 彥基
彥康 彥忠

武成諸子

南陽王綽

琅邪王儼

齊安王廓

北平王貞

高平王仁英

淮南王仁光

弟仁機 仁邕
仁儉 仁雅 仁

直
仁謙

後主諸子

東平王恪

善德質
德質錢

後周

邵惠公顥

顥子什肥

什肥子胄

什肥弟導

翼弟眾

導弟護

此

杞簡公連

子元寶

元寶繼

莒莊

羅協

馮遷

菩薩

虞國公仲

子興

廣川

公測

子孝伯

東平公神舉

父顯和

神舉弟慶

慶子

靜亂

協弟品

文帝十王

宋獻公震

繼子

衛刺王直

齊煬王肅

超僧王

招 譙孝王儉 陳惑王純 越野王盛 代曇

王達 冀康公通 滕聞王道

孝閔一王

紀厲王康

明帝三王

畢刺王賢 鄆王貞

孝武六王

漢王贊 餘五王同贊
爲隋文所誅

宣帝二王

萊王衍與郢王術同爲隋文所誅

隋

蔡景王整

子智積

滕穆王瓚

子綸

道宣王嵩

衛昭王

爽

子集

河間王弘

子慶

義城公處綱

弟處樂

離石太守子

崇

文帝四王

房陵王勇

子儼

秦孝王俊

子浩湛

庶人秀

庶人諒

煬帝三子

元德太子昭

子侑是燕王倓

爲恭帝

次越王侗

齊王暕

趙王

果

北齊

趙郡王琛字元寶神武皇帝之弟也少便弓馬有志氣
神武既定天下中興初授琛常侍鎮西將軍既居禁衛
恭勤慎密率先左右封南趙郡公累遷定州刺史六州
大都督甚有聲譽及斛斯椿等讐結神武將謀內討以
晉陽根本召琛留掌後事天平中除御史中尉正色糾
彈無所迴避遠近肅然尋亂神武後庭因杖而薨時年
二十三贈太尉尚書令諡曰貞天平三年又贈假黃鉞

左丞相太師錄尚書事天統初進爵爲王配饗高祖廟
庭子獻嗣小名須拔生三旬而孤聰慧夙成特爲神武
所愛養於宮中令游孃母之恩同諸子魏興和中襲爵
南趙郡公年至四歲未嘗識母其母魏華陽公主也其
從母姊鄭氏戲謂曰汝是我姨兒何反親游氏獻因訪
問遂失精神神武疑其感疾獻對曰兒無患但聞有所
生欲得暫見神武驚命元夫人至就宮見之獻前跪拜
因抱頸大哭神武甚悲傷謂平秦王曰此兒天性至孝
我兒無及者遂爲休務一日獻初讀孝經至資於事父

輒流涕歔歔十歲喪母神武親送至領軍府爲發哀舉
聲殞絕三日水漿不入口神武與武明太后慇懃敦譬
方漸承旨居喪長齋骨立杖而後起神武令恆山王與
同臥起日夜譬之并勅左右不許進水雖絕清漱午輒
不肯食由是神武食必呼與同案神武崩復哭泣歐血
及壯將婚娶而貌有戚容文襄謂曰我爲爾娶鄭述祖
女門閥甚高當無可憾而反不樂何邪獻對曰自痛孤
遺方從婚冠彌用感切言未卒嗚咽不自勝文襄爲之
憫然勵之勤學常夜分方罷文宣受禪進爵爲王獻身

長七尺容儀甚偉閑習吏職有知人之鑒天保二年爲定州刺史六州大都督時年十七獻留心庶事糾擿奸邪稱爲良牧六年詔領山東兵數萬監築長城于時盛夏獻屏除蓋扇親與軍人同勞苦長史承欽道以獻冒暑遣倍道送冰獻對之歎息云三軍之人皆飲溫水吾何心獨進寒冰遂至銷液竟不一嘗兵人感悅先是役罷任其自歸丁壯先返羸弱多致僵殞獻於是親率營伍彊弱相持賴全者十三四焉八年除北朔州刺史都督長城諸鎮事獻慰撫新遷量置烽戍內外防禦備有

條法大爲兵民所安有乏水處獻禱而得泉州人至今號曰趙郡王井九年濟南以太子監國因立大都督府與尙書省分理眾事仍開府置佐史文宣特崇其選乃除獻侍中攝大都督府長史獻後因侍宴帝從容顧謂恆山王演曰由來亦有如此長史不皇建初兼并州事孝昭崩預受顧託奉迎武成於鄴以功拜尙書令天統中追贈父琛假黃鉞母元氏贈趙郡王妃諡曰貞昭華陽長公主如故有司備禮儀就墓拜受時隆冬盛寒獻徒步號哭面皆破裂歐血數升及還不堪參謝帝親就

第省問拜司空攝錄尚書事河清三年周師及突厥至并州武成戎服將以宮人出避獻叩馬諫乃止帝親御戎六軍進止並令取獻節度而使段孝先總焉帝與宮人被緋甲登故北城以望軍營甚整突厥咎周人曰爾言齊亂故請我其來伐之今齊人眼中亦有鐵何可當邪乃還至涇嶺凍滑乃鋪氊以度胡馬寒瘦膝已下皆無毛比至長城死且盡乃截稍杖之以歸是役也段孝先持重不與賊戰自晉陽東道爲虜所屠無遺類焉斛律光自三堆還帝以遭大寇抱其頸哭任城王潛進口

何至此乃止光面折孝先於帝前曰段婆善爲送女客
於是以獻爲能加尙書令封宣城郡公拜太尉監五禮
晚節頗爲和士開所構獻久典朝政清正自守譽望日
隆漸被疏忌乃撰古之忠臣義士號曰要言以致其意
武成崩葬後數日獻與馮翊王潤安德王延宗及元文
遙等奏後主云和士開不宜仍居內任并入奏太后因
出士開爲兗州刺史太后曰士開舊經驅使欲留過百
日獻正色不許太后令酌酒賜獻獻正色曰今論國家
大事非爲卮酒言訖便出其夜獻方寢見一人可長丈

四五尺臂長丈餘當門向牀以臂壓獻良久遂失所在
獻意甚惡之起坐歎曰大丈夫運命一朝至此至旦欲
入朝妻子咸諫止之獻曰自古忠臣皆不顧身命社稷
事重吾寧死事先皇不忍見朝廷顛沛至殿門又有人
曰願勿入獻曰吾上不負天死亦無恨入見太后太后
復以爲言獻執之彌固出至永巷被執送華林園於崔
離佛院令劉桃枝拉而殺之時年三十六大霧三日朝
野冤惜之期年後詔聽以王禮葬竟無贈諡子整信嗣
好學有行檢位儀同三司後終於長安

清河王岳字洪略神武從父弟也父翻字飛雀以器度知名卒於侍御中散元象中贈假黃鉞大將軍太傅太尉錄尚書事諡孝宣公岳幼孤貧人未知之長而敦直姿貌巖然深沈有器量初岳家于洛邑神武每奉使入洛必止于岳宅岳母山氏嘗夜起見神武室中有赤光心異之詣卜者爲之筮遇乾之大有占者曰飛龍在天之象也貴不可言山氏以語神武神武益自負及神武起兵信都山氏聞之喜謂岳曰赤光之瑞驗矣汝可間行從之岳遂往信都神武見之大悅中興初除金紫光

祿大夫領武衛神武與四胡戰於韓陵神武將中軍高
昂將左軍岳將右軍中軍敗績賊乘之岳舉麾大呼橫
衝賊陣神武方得回師因大破賊以功除衛將軍左光
祿大夫封清河郡公母山氏封郡君授女侍中入侍皇
后天平二年除侍中六州軍事都督尋加開府岳辟引
時賢以爲僚屬論者美之尋授使持節六州大都督冀
州大中正俄拜京畿大都督其六州事悉隸京畿神武
統務晉陽岳與侍中孫騰等在京師輔政岳性至孝母
疾衣不解帶及遭喪去職哀毀骨立神武憂之每日遣

人勞勉尋起復本位歷冀晉二州刺史西南道都督有
綏邊之稱及神武崩侯景叛梁武帝遣其貞陽侯淵明
於寒山擁泗水灌彭城與景相爲犄角岳總帥諸軍南
討與行臺慕容紹宗擊淵明破禽之俘馘數萬景仍擁
眾於渦陽與左衛將軍劉豐等相持岳迴軍又破之景
單騎逃竄以功除侍中太尉又拜河南總管統慕容紹
宗劉豐等討西魏將王思政於長社岳引洧水灌其城
紹宗劉豐爲思政所獲西魏援兵復至岳內外防禦城
不沒者三版會文襄親臨數日城陷獲思政等以功別